

## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial  
3.0 Unported (CC BY-NC 3.0) license.

Դու կարող ես.


պատճեններ և տարածել նյութը ցանկացած ձևաչափով կամ կրիչով  
ձևափոխել կամ օգտագործել առևտ նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

1677



1924

2011

84  
Q-92

ԲՈԼ ՏԱՐՊՈՒՎԵԼ

## ԿՈՒԶ ՍԻՄՈՆԸ

ՎԻՊՈՎ

ՖՐԱՆՍԱԿԱՆ ՅԵՂԱՓՈԽՈՒԹԵՆԵՆ

ԹԱՐԳՄԱՆ ԵՑ

Հ. Յ. Բ.

(1001  
1045)



17567-59


Ա. Դ. Զ. Յ. — ՎԵՐԱՏԻԿ

1924

9822

2003

8



## ԿՈՒԶ ՍԻՄՈՆԸ

...≈≈...

ԳԼՈՒԽ Ա.

ՏԱՐԲ ԸՆՏԻՐ ՊԱՏՄՈՒԹԵԱՆՑ

— Վիլէտ, զոչեց Տորէն:

Դուռը բացուեցաւ: Անփութօքէն հա-  
գուած մարդ մը, կարմիր տառատոկ մը  
զլխուն վրայ ձգած՝ ներկայացաւ:

— Ասիկայ շուտով մը աբբայարանի  
բանտապետին դրկէ:

— Շատ լաւ, քաղաքացի երեսփո-  
խան: Այսչափ միայն:

Տորէն զլխովը նշան մ'ըրաւ և մինչ-  
դեռ Վիլէտ կը քաշուէր՝ ան դարձաւ և  
ընկղմեցաւ իր գրասեղանին առջեւի թիկն-  
աթոռին մէջ:

Տորէն Գոնվաճսիռնի անդամներուն ա-  
մենէն անգութներէն և ամենէն աւելի ար-  
դարացի կերպով արհամարհուածն էր:

— Գարշելի թրթուր մըն է աս, ըսած  
էր Տաճդոն, որուն համար Տորէն անոր

ոխակալութեամբ դատապարտութեան ըը-  
ւն տուաւ:

Ամենաճիշդ նմանութիւն. մագաղաթի  
նման թուխ մորթովը, խորախորշոմ, ցած  
ու նեղ ճակատովը՝ ակամայ կը յիշեցնէր  
այս զգուելի անսասունը:

Մանաւանդ այս իրիկուն, Դեկտեմբերի  
աղօտ լուսովը՝ անիկայ աւելի ահաւոր  
կ'երեար՝ նստած իր զրասեղանին առջև,  
ուր անճարակութեամբ կը ձարսուէր ան-  
ընթեռնի բառեր։ Իր բիրտ, հեշտամոլ,  
չափազանց լայն բերանը կը կծկուէր զբր-  
չին ծամածուռ ձեռերուն հետեւով։ Եերս  
գացած արիմուռ աչքերը իրենց ակնա-  
կապճին խորը չարագուշակ փայլով մը  
կը փայլէին։

Տորէն՝ երկու տարիէ ի վեր ամէն զի-  
շեր այս տեսակ գործերով զբաղած էր։

Եա՛ ի սկզբան հոգաբարձուն էր Օվեռ-  
նիացի հարուստի մը զոր արդէն կը կե-  
ղեքը և հազիւ թէ Յեղափոխութիւնը պայ-  
թեցաւ, զանիկայ բոլորովին կողոպտեց։  
Ոռաջին շփոթութեան սկիզբը իր տէրը  
աքսորել տուաւ և երբ անոր ինչըերն ալ  
ծախու հանուեցան, ինք անոնց տիրացաւ  
չարագործի մ'օգնութեամբ։

Երբոր Գոնզալեսիոնին երեսփոխաններ  
կ'ընտրուէին, Տորէն ետեւ եղաւ ընտրու-

թեան և յաջողեցաւ։ Եախ կեղրոնի խում-  
բը մտաւ Մարէի մէջ ինչպէս որ կ'ըսէին,  
և կամաց կամաց յառաջ նետուելով Լեռ-  
նականներու կուսակցութեան մէջ մտաւ։  
Այս ժամանակներու՝ 1793ին վերջերը,  
Տորէն Ոռպէսբիէրի տեղապահը և սիրե-  
լին էր։

Բարիզ հասնելէն ի վեր գերի եղած  
էր ան իր չար միտումներուն։ Ստէպա,  
շնորհիւ խորհրդարանին մէջ ունեցած իր  
ազգեցութեան, բանտեր կը մտնէր և բան-  
տարկելուհիններէն որոնն զեղեցկութեանը  
որ կը հաւնէր, կ'առաջարկէր ընտրել  
կամ իր ձեռքը և կամ կառափնատը։  
Ոսոնցմէ ոմանք դիմադրած էին և ոմանք  
տեղիք տուած։ Քանի մը ամիս վերջը  
կամ կառափնատը, կամ աքսորը կ'ա-  
զատէին զինքը այս թշուառներէն։

Վելէտին տրուած հրամանը նոր զոհի  
մը համար էր։ Տորէն՝ Ուլնէ տ'Ոպէնի  
խնդրոյն վերաբերեալ թղթերը կը դարձը-  
նէր, երբ վերջին թուղթ մը ձեռքը առ-  
նելով բացազանչեց։

— Բա՛. սա իմ հին տիրոջս եղբօր  
աղջիկն է։ Ուելի լաւ։ Օրիորդ տ'Ոպէն,  
հիմայ գուն հոս պիտի ըլլաս՝ զրեթէ քու  
հին կահ կարասիններուդ մէջ։

Տորէն զոհ հայեացը մը ձգեց իր շուրջը։

ԱԵՆԵԿԱԿԸ՝ ուր նա կը գտնուէր լի էր  
թանկագին իրերով. որմերը զարդարուած  
էին անուանի վարպետներու նկարներով.  
Վասոյ, Լանքըէ, Թրակոնար հոն քովէքով  
կցեր էին:

Բայց, ամէն կողմ, ամէն առարկայի  
վրայ կը տարածուէր փոշի թանձը խաւ  
մը որ զոյները կը նուազեցնէր, նրբերանգ-  
ները կը միակերպէր: Տորէնի զգեստն ալ  
մի և նոյն խեղճ վիճակին մէջ էր: Նո-  
րոյթն աս էր, և անհրաժեշտ էր այսպէս  
հագուիլը: Միայն Ռոպէսրիէր կրնար հա-  
գուիլ սրգուիլ առանց ազնուապետական  
կոչուելու:

Դուռը զարնուեցաւ. Տորէն զլուիրը վե-  
րուց:

— Նավրի զօրավարը հոս է, իմացուց  
Վիլէտ:

— Թո՞ղ հրամմէ, պատասխանեց Տորէն:  
Քսանչորս — քսանհինգ տարեկան երի-  
տասարդ մը յառաջեց սենեկին մէջ, սուրն  
ի քարշ ձգած մարմարեայ սալաթարին  
վրայ և մեծ աղմկով հնչեցնելով իր կօշ-  
կին խթանը:

— Գալդ բնաւ չէի յուսար, սակայն  
բարի եկար, զոչեց, Տորէն ոտք ելլելով,  
Ալէսո վկայ, երբ զոմն կը մտնես վառողի  
հոտ կ'առնեմ:

Փակիտ մը ծալլեց սպային շրթունքը.  
ան առանց պատասխանելու բնական հան-  
գարտութեամբ մը՝ իրըն իր տան մէջ ըլ-  
լար, ձգեց ինքզինը մօտակայ թիկնա-  
թոռի մը վրայ:

— Զէի կարծեր որ այսափ շուտ  
զառնայիր ցու առաքելութենէն, ըստ Տո-  
րէն, դեռ երէկ առինք ցու յաջողութիւն-  
ներուդ լուրը: Օրուան զիւցազը պիտի ըլ-  
լաս: Գոնքանասիոնը քեզի շնորհաւորու-  
թիւններ քուէարկեց:

— Ո՛հ, ասո՞ր համար... Միթէ հարկ  
կար, պատասխանեց Նավրի՝ որուն ճա-  
կատը խորչումեցաւ: Ողորմելի յաջողու-  
թիւնն մը համար՝ զիւսես, որքան արիւն  
թափուեցաւ:

— Թողլ ըլլայ, գոչեց Տորէն, վաս  
չունի. ոռոմրի ձայնը միայն պէտք է այս  
կատաղի ըմբուստներուն դէմ: Յեղափոխու-  
թիւնը պէտք է որ յաղթէ. մեղք անոնց  
որոնց արիւնը կը թափուի:

— Այդ ես ալ զիւսեմ. բայց, քաղա-  
քացի երեսփոխան, եթէ տեսնայիր երկու  
ամսէ ի վեր ոռոմբերով հնձուած այս  
թշուաները՝ որոնք վերջապէս մեզի պէս  
փրանսացի են և քաղաքացի միւնոյն Հա-  
սարակապետութեան, զթութիւնդ պիտի  
շարժէր և...

— Ի՞մ զթութիւնս : — Տորէն ծիծաղիլ սկսաւ . — զթութիւնը յեղափոխական չէ : Քեզի խորհուրդ մը տամ, Նավրի, զթած ըլլալէ զգուշացիք . կրնան յիշել որ գուն ազնուապետական մ'էիր : Հիմայ առ ասիկայ և կարդա . Որոգէսրիէրի նամակն է... Ահաւասիկ Գունվանսիոնի վճիռը... զալով ինձ՝ տեղեկագիրս կը շարունակեմ :

Սպան՝ թուղթերը առաւ և ուշաղրութեամբ աչքէ անցուց, մինչդեռ Տորէնի գրիչը կը սահէր թուղթի մը վրայ :

Նավրի, կամ լաւ ևս Ատրիէն-Վիկտոր տը Նավրի, նշանաւոր ցեղէ կը սերէր : Օգոստոս 10ին ինքն ալ պիտի սպաննուէր, բայց իր բարեկամներին մէկը, մոլեռանդն հայրենասէր մը, զինք կ'ազատէ ժողովրդեան կատաղութենէն, և ամէն քննութենէ ալ խուսափելու համար՝ կը զինուուրագրէ զանիկայ կամաւորներու շարքերուն մէջ, որոնք դէպ ի սահմանագլուխը կը վազէին օտար թշնամին վանելու համար : Նավրիի արիութիւնը, ուազմագիտական հմտութիւնը, շուտով զինուորական աստիճաններու կը բարձրացնեն զինք : Նա կամաց կամաց յեղափոխական գաղափարներով կը զինովնայ, այնպէս որ շնորհիւ իր ներշնչած վստահութեան՝ իրեն կը յանձնուի ֆրանսայի Հարաւ - Ալե-

մտեան կողմը ծագած ապստամբութիւն մը նուաճել :

Աս էր՝ եղած յաջողութիւնը՝ որուն համար Տորէն կը շնորհաւորէր :

Աս առաջին անգամ Նավրիին կը հանգիպի Հասարակաց Փրկութեան մասնաժողովի մը նստին մէջ : Հրապուրուած անոր վայելուց հասակէն, վսեմ կերպարանքէն և զինուորական կերպէն, հետը կը կապուի, և այլ և այլ պարագաներու մէջ կը նպաստէ անոր աստիճաններ ընդունելու համար :

Նավրի որ և է համակրանք չունէր երեսփոխանին հանդէս, բայց ըստ բաւականի խորամանկ էր զայն չանդրադարձնելու համար :

Երբ ընթերցումը լմնցուց՝ սպան ծալլեց նամակը և զպանը զրաւ :

Տորէն գրիչը ձգեց, և քիչ մը ժամանակ բարեկամաբար խօսեցան այլ և այլ նիւթերու վրայօք : Յանկարծ ձայն մը և հրացաններու կոթին գետին որոփեցնելը զիրենք ընդհատեց :

Դուռը բացուեցաւ :

— Աստիկանները հոս են ա՛Ռաէն քաշաբցուհւոյն հետ, ըստ Վիլէտ :

Այս անունը լսելուն պէս Ատրիէն՝ որ ոտք ելած էր մեկնելու համար, սարսու-

ցաւ: Բարեբախտաբար Տորէն շատ զբաշղած ըլլալով բան մը չանդրադառ և ըստ:

— Եերէ՛, Նավրի, կը խնդրեմ որ քաշուէիր: Տերութեան գործերը աւելի նախադասելի են և զուն... բայց ի՞նչ ունիս, հիւանդ ես, հարցուց, Ատրիէնի տըժդպւնիլը տեսնելով:

— Տ' Ուպէն՝ բարեկամներէս մէկն էր, պատասխանեց սպան. Վիլէտին ըսածէն և աղջկան բանտուած ըլլալէն կ'ենթազդեմ որ ի՞նքն ալ ձերբակալուած է:

— Ծերունի տ' Ուպէն անցեալ չորեցարթի զիխատուեցաւ:

— Ի՞նչ յացանքի համար:

— Ի՞նչ յանցանքի համար, ի՞նչ կ'ըսես, միթէ նա ազնուապետական չէր:

— Հասկցայ, հասկցայ:

— Լաւ ուրեմն: Կը ճանչնաս իր աղջիկը:

— Անգամ մը միայն տեսեր եմ զինք,

պատասխանեց Նավրի:

Տորէն աչքերը անոր վրայ սկսենց: Բայց Ատրիէն արդէն իր բնական անվրդով կերպարանքը առած էր:

— Ասկէ զատ, աւելցուց Տորէն, ամբողջ այս ընտանիքը վտանգաւոր է: Ասկէ յառաջ բան մը չլսեցիր Սալիւսի երթիմնի դուքսին վրայօք:

— Պ. տ' Ուպէնին եւթայրը:

— Քաղաքացի տ' Ուպէնին եղբայրը, ճշգեց Տորէն:

— Այս, անոր վրայօք խօսուիլը լսեր եմ, բայց երբեք չեմ տեսած զինք: Արդեօք ուր կը գտնուի հիմայ:

— Սատանային քով:

— Ի՞նչ ըսել կ'ուզես, քաղաքացի եւրեսփոխան:

— Ըսել կ'ուզեմ որ բանտի մէջ մեռաւ, ինչպէս որ ինձ գրեցին: Կեանքին մէջ թէ որ խելացի զործ մ'ըրաւ՝ աս է: Ծայրայեղ Ժաբոպէն էր յեղափոխութեան սկիզբը, յետոյ Օգոստոս 10ին մէկդի թուզոց կուսակցութիւնը: Թիչ վերջ քաղաքական կոփւ մը ունեցաւ եղբօրը հետ՝ զոր կիսամահ ձգեց մենամարտութեան մը մէջ: Բայց ժողովուրդը երբ զիխատեց բռնաւորը, նախկին ազնուական Սալիւսին զրօշակը դարձուց և թագաւորականներու կողմը անցնելով պատրաստուեցաւ: Բարեթին սպանութեան և մահուան վրէմն առնել: Զինքը ձերբակալեցին, փախաւ: Դարձեալ բռնուեցաւ և երկրորդ անգամ ալ ազատեցաւ. բայց վերստին ձերբակալուեցաւ: Եւ վերջապէս բանտի մէջ հիւանդանալով մեռաւ, ինչպէս որ քեզ ըսի քիչ առաջ, Սամսոնը զրկելով շատ ախորժելի պարտը:

մը: Լսածիս կամեմատ անիկայ իր եղբօր դուստրը շատ կը սիրէր: Բայց, միտքս եկաւ, օրիորդը ինձ կը սպասէ դուրսը: Ուրեմն երկրորդ անգամ կը ինդրեմ որ քաշուիս երթաս:

Մեկնելու ատեն Ատրիէն սեղմեց երես փոխանին ձեռքը՝ զոր իրեն կ'երկնցնէր, և ուղղուցաւ դէպ ի այն դուռը ուսկից որ եկած էր. բայց Տորէնի ձայնը զինք կեցուց:

— Այն տեղէն չէ՛, միւս դռնէն:

— Ա՛ն, կարծեցի... ներեցէր, պատասխանեց զօրավարը:

Նավրի ճամբան փոխելով՝ Տորէնին ցոյց առած դռնէն դուրս ելաւ:

— Օ՞ն, Վիլէտ, մտցուր սա ազնուապետական կինը:

Ծառան նշան մ'ըրաւ և այդ դռնէն, զոր կիսարաց կը պահէր, ներս մտաւ բարձրահասակ զեղեցիկ աղջիկ մը: Քիչ մը յոգնածութիւն կը ցուցնէին մնոր դիմագիծերը: Աչքերուն շուրջը կապտագոյն շրջանակ մը կը գծուէր: Սակայն ջահին լուսովը զոր Վիլէտ վառեց, նա յունական արձանի մը պէս շնորհալի երեցաւ Տորէնին: Աներկիւդ, վսեմ բայլերով յաւաղեց նա դէպ ի երեսփոխանը:

Տորէն ձեռքովը նշան ըրաւ Վիլէտին

քաշուիլ երթալու և դառնալով երիտասարդ կնոջ.

— Քաղաքացունի՛, ըսաւ ժպտելով մը այնքան քաղցրութեամբ որքան որ տգեղ դէմքը իրեն կը ներէր. դուն ինձ շատ գունատ կ'երեւաս, կը վախնամ որ բանտարգելութիւնը քեզ վնասէ: Ե՛ռվզէն նստիլ:

Կարծեմ թէ՛ Պարոն, մեր խօսակցութիւնը երկայն պիտի չտեէ որ աթոռի պէտք ունենամ:

— Ինչէ՞ն զիտես: Մտածէ որ զըկթէ տանդ մէջ ես՝ ասոնք են քու հօրեղբօրդ կահ կարասիքը, նախկին ազնուական Աւլիւսի դուքսին:

— Եթէ հօրեղբայրս իմ վրէժս պահանջելու վիճակի մէջ ըլլար, պատասխանեց օրիորդը, յաղթութեանդ երգը այդքան բարձրաձայն պիտի չերգէիր:

Տորէն գոհացաւ պատասխանելով.

— Այլ ևս վախնալու բան չկայ, արդէն՝ առաջուց քեզ իմացուցի որ անիկայ մեռած է:

— Ինչէ՞ն զիտես. գիտակը չեն գտած, ըսաւ օրիորդ տ'Ապէն:

— Շատ լաւ, ընդհատեց Տորէն, մեր գործերուն վրայօք խօսինք: Կը յուսամ որ, բաղաքացունի, այսօք ինծի պատաս-

խան մը պիտի տաս: Իմ քեզի ունեցած  
սէրս շատ մեծ է: Զեմ ուզեր տեսնել  
զբեզ կառափնատին վրայ: Ես պատրաստ  
եմ ի նպաստ քեզի վերջին փորձ մըն ալ  
ընել, և դուն զիտես թէ այս փորձը ի՞նչ  
պայմանով պիտի ընեմ: Կինս եղիր և քեզ  
կ'երդնում խոստումս պահել: Միթէ մեծ  
Հասարակապետութեան պիտի չցուցնես  
որ ուրացեր ես քու ազնուապետական գա-  
ղափարներդ և զրկած ազատութեան և  
հաւասարութեան վարդապետութիւնները:  
Այս ատեն քեզի ներողութիւն ընդունելէն  
աւելի դիւրին բան չկայ, և ո՞վ պիտի  
համարձակի արգելը ըլլալ ամենակարող  
Տորէնին:

Ուշնէ անոր կը նայէր ցրտութեամբ ա-  
ռանց պատասխանելու: Հասարակապետա-  
կանը նեղացած՝ դարձաւ թուղթ մը զրաւ  
զրասեղանին վրայ և զրիչը ձեռքը բրո-  
նելով.

— Ահաւասիկ ներումդ, կուզես որ  
ստորագրեմ:

— Ի՞նչպէս որ կը հաճիս, Պարոն:

— Ի՞նչպէս որ ես կը հաճիմ: Դու  
զիտես ուզածս. կարծեմ միտքս լաւ բա-  
զատրեցի քեզ. ես բան չեմ կարող ընել՝  
եթէ դուն հետս ամուսնանալով՝ անոր ի-  
րաւունք չտաս:

— Արդէն երկու անգամ, պատասխա-  
նեց օրիորդը, ինձի այս առաջարկը ըրիր,  
և երկու անգամ ալ զայն մերժեցի: Որո-  
շումս հաստատուն է, պիտի չփոխուի եր-  
բեք: Ինչո՞ւ համար ժամանակդ կը կոր-  
սընցնես պարապ խօսակցութեամբ:

Տորէն անոր խօսքը ընդհատելով.

— Իմ սէրս...

— Աէրը, զոչեց օրիորդը, առանց ժա-  
մանակ թողլու որ խօսքը լմնցնէ: Աէրը:  
Դուն ես այդ բառը արտասանողը: Որբա-  
պըզդութիւն մըն է դա:

Զայրոյթը կը ցոլար անոր աչքերուն  
մէջ, և արհամարհանք կը հնչէր թրթուա-  
ցող ձայնին մէջ:

— Ո՞հ, զիտեմ, ըսաւ Օրիորդը, պա-  
տասխանելով բողոքի ձեռվ մը, դուն ա-  
մուսնութեան վրայօք կը խօսիս: Բայց,  
միթէ կարելի՞ է ամուսնութիւն կոչել այդ  
միութիւնը՝ զոր միայն ձեր վատանուն Հա-  
սարակապետութեան օրէնքները կը հաս-  
տատեն: Մոռցար ուրեմն, թէ ես ո՞վ եմ,  
և դուն ո՞վ, պարզ հոգաբարձու մը...

— Ես իշխանի որդի պիտի ըլլայի,  
պատասխանեց Տորէն, եթէ՝ երկինք...

— Իշխանի որդի, բայց ոչ պատուա-  
ւոր իշխանի մը ապահովապէս: Կինաս  
ինձ ըսել ի՞նչ եղան անոնք ամէնքը զորս

սիրեցիր՝ Մարի տ'Անկլոն, Բոլին Պովէ,  
Անթուանէտ տը Մոնֆոր, Սիմոնն...

— Կեցիր, մոնչեց հասարակագետա-  
կանը, դէմքը բարկութենէն կապուտցած,  
աչքերը դաժան:

Նա այնպիսի սաստկութեամբ բռնեց  
նէրա թեզանիքէն որ վայրկեան մը Ռու-  
նէին խրոխտանքը սմբեցաւ և աղաղակ  
մը փրցուց:

Յանկարծ ձայնը փոխելով՝ Տորէն ամ-  
բարտաւանութեամբ մ'աւելցուց, դէմքը  
ծովոկած ահաւոր հեզնանգով.

— Կ'ուզէս զիտնալ թէ ուր են ա-  
նոնք. հետաբրբութիւնդ շուտով պիտի  
գոհացնեմ. շարաթէ մը զանոնք կը գրտ-  
նես: Վիլէտ:

Երառան վերստին երեցաւ:

— Տա՛ր սա կինը:

Մինչդեռ անոնք կը հեռանային, Տո-  
րէն կատաղութենէն դողալով իր աթոռը  
դարձաւ ու մի քանի խօսքեր զբեց:

Ռունէ տ'Ուգէնի գլխատման վճիռը ստո-  
րագրուած էր:

### ԳԼՈՒԽ Բ.

Նավրի կը ստէր Տորէնին պատասխա-  
նելով թէ՝ մէկ երկու անգամ միայն տե-  
սած էր օրիորդ տ'Ուգէնը: Իրականին մէջ  
Ռունէ և ինքը արդէն զիրար կը սիրէին  
երկայն ատենէ ի վեր:

Եթէ Տորէն իմանար որ այս երկու ե-  
րիտասարդները՝ նախ իրարու մանկութեան  
խաղի ընկերներ, ու յետոյ քանի մեծնա-  
ւով զիրար սիրած էին, թերեւս իր խը-  
նամքը և արթնութիւնը բոլորովին ուրիշ  
զեր մը կատարէին այս ողբերգական դէպ-  
քին մէջ:

Բայց յանկարծակիի գալով զօրավա-  
րին անակնկալ զալստենէն, և սիրտն ու  
միտքը բոլորովին զրաղած սաստիկ տար-  
փանքով, որուն երբեք գոհացում չէր  
գտած, չէր կարողացած անզրազառնալ  
բուն իրականութիւնը: Նավրիին տագ-  
նապը անցողական յուզում մը համարած  
էր՝ երբեմն օրիորդը ճանչցած ըլլալուն  
համար:

Աղմլով մը ճռնչեցնելով կօշիկները սա-  
լայատակին վրայ, ըստ իր սովորութեան,

կուզ Սիմոնը



ելաւ Նավրի Տորէնին սենեակէն, ու դռնէն  
անցնելով աւելի ամուր քայլերով սկսաւ  
քալել: Բայց երբ հասաւ նրբանցքին  
ծայրը, և ապահովցաւ որ Տորէնի ականջ-  
ները այլ ևս իր քայլերը չէին կրնար լսել,  
շուտով մ'ետ դարձաւ վեր առաւ սուրբ  
և մօտեցաւ զրան՝ մատներուն ծայրը կո-  
խելով, կարելի եղածին չափ կամացուկ,  
և ականջը կպցուց զրան բանալիի ծակին:  
Անիկայ երբ հասկցաւ հասարակապետա-  
կանին միտքը, քանի մ'անգամ մղում մը  
զգաց յարձակելու սենեկին մէջ և իր  
սուրբին ծայրովը ստանալու Ուղնէին ազա-  
տութիւնը:

Ակայն, Նավրի արուեստին մէջ փոր-  
ձառու՝ լաւ զիտէր որ յանդգնութեամբ չէր  
լմնար գործը, անխոհեմութիւն մը կրնար  
ամէն բան խանգարել: Բոնութեամբ պի-  
տի չկարենար Ուղնէն մահուանէն ազա-  
տել, և այդ բռնութիւնը միանգամայն զին-  
քը պիտի կորսնցնէր:

Ան զսպեց զայրոյթը և սպասեց հոն՝  
մինչեւ որ երեսփոխանը ճամբայ զրաւօրիոր-  
դը: Եւ այն ատեն արագութեամբ զուրս  
ելլելով զնաց ծածկուեցաւ կառամնցիկ  
զրան մը ստուերին մէջ Տորէնի տան  
դիմաց: Ատրիէն կ'ուզէր Ուղնէ տ'Ուպէնը  
տեսնել ու հետը խօսիլ: Բայց լնչպէս

պէտք էր շարժիլ՝ որ և է վլտանգ հե-  
ռացնելու համար:

Մինչդեռ ինը հնարք մը կը փնտռէր՝  
դուռը բացուեցաւ:

Ուղնէ տ'Ուպէն դարձեալ՝ երեցաւ եր-  
կու զինուորներու ընկերացած: Փողոցի  
լապտերին լուսովը Նավրի ճանչցաւ հա-  
մազգեստը Օնիի զօրաբաժնին որուն մէջ  
իր առաջին պաշտօնական աստիճաննե-  
րուն հասած էր: Երբ խմբակը կ'անցնէր  
քանի մը քայլ հեռուն լուսաւորուած կըր-  
պակի մը առջևէն՝ ան իր նշանածին  
պահապաններէն մին ճանչցաւ: Մարիէօ  
անուամբ զինուոր մը՝ զոր տասնեռութ ամիս  
առաջ թշնամիներու ձեռքին ազատած էր:  
Մարիէօ՝ Նավրիին այնքան երախտագէտ  
էր՝ որ այս պարագայիս մէջ անշուշտ  
պիտի օգնէր իրէն:

Նավրի ժամանակ չունէր ծրագիրը ո-  
րոճալու: Միտքը զրաւ բախտը փորձել:  
Վերջին անգամ մըն ալ իր շուրջը լաւ  
մը զիտելով իջեցուց սաղաւարտը ճակ-  
տին վրայ և վազն ի վազ շրջան մ'ընե-  
լով, մօտ փողոցէ մը ետ դարձաւ և իբրև  
յանգէտս՝ յանկարծ ուղեկից զինուորներուն  
առջե ելաւ: Պահապանները ետ քաշուե-  
լով սուինները ուղղեցին, քայց երբ տեսան  
զինքը զօրավարի համազգեստով՝ հրացան-

նին բարձրացուցին և բարեեցին։ Ունէ մը-  
տածութիւններուն մէջընկդմած քնազդմամբ  
կանգ առած էր և նոյն իսկ զլուխն աւ  
չվերցուց տեսնելու թէ արդեօք ինչո՞ւ չէին  
քալեր։

— Ի՞նչ, գո՞ւ ես Մարիէօ, գոչեց նավ-  
րի, ուրախալի անակնկալ մը կեղծելով։  
Շատոնցմէ հեռացեր ես սահմանազլսին  
վրայ պահպանութիւն ընելէ։ Անշուշտ,  
հոս այլ ես կայսերականներէն բռնուելու  
վտանգի մէջ չես։

Ունէ այս ծանօթ ծայնը լսելով աչ-  
քերը վեր վերուցեր ու հեւալով շունչ  
կ'առնէր կու տար։ Նայեցաւ նավրիին  
և անոր բազուկներուն մէջ նետուելով  
մարեցաւ։

Ոտնաձայն մը դոդացուց սպային սիրտը։  
Ուրիէն վախնալով որ՝ չըլլայ թէ Տո-  
րէնին լրտեաը վրայ հասնի, յանկարծակիի  
եկած երկու զինուորներու հետ՝ զորոնք  
սպային յարգանքը անդամալուծեր էր,  
ուղղուեցաւ դէպ ի հրապարակին ձախա-  
կողմ՝ իր բնակարանը։ ստիպուեցաւ աղ-  
ջիկը մինչև հոն տանել և հազճեալով  
ներս մտնելով դրաւ իր անկողնոյն վրայ։

Մարիէօի ընկերը վերստանալով իր պա-  
ղարիւնութիւնը, ըստաւ։

— Զօրավար, մենք գործադրելու հրա-

մաններ ունինք, մի՛ արգիլէք մեր պար-  
քը կատարել։ Մեզի յանձնուած է մին-  
չև Արբայարան տանիլ այս երիտասարդ  
քաղաքացուհին։ Այնպէս չէ Մարիէօ։

Մարիէօ տագնապած նայեցաւ իր սպա-  
յին։ Աւրիէն տեսնելով որ ճշմարտու-  
թիւնն ըսելը յաւագոյն միջոց մըն է, պա-  
տասխանեց։

— Տ' Ուպէն քաղաքացուհին իմ նշա-  
նածս է, ուստի ասոր համար...։

Պահապանները ցնցուեցան։ Աակայն  
նավորի ժամանակ չտալով անոնց որ խօս-  
քը կտրեն, շարունակեց։

— Գիտեմ իրեն դէմ եղած դատավը-  
ճիուը. բայց բանի որ առիթը ունեցայ կը  
փափագիմ վերջին ողջոյնս տալ։ Մարիէօ,  
դու՝ զոր ազատեցի, և դո՞ն քաղաքացի,  
զինուոր որ մի և նոյն համազգեստը կը  
կրես և նոյն դատը կը պաշտպանես ինչ-  
պէս ես, ինձի չէք ներեր հրաժեշտի  
բարես տալ կնոջ մը զոր ես կը սիրեմ։

Զինուորական արուեստը, և պատերաս-  
մի ունակութիւնը թէպէտ և այս մար-  
դոց սիրտը կարծրացուցեր էին, այնու  
հանդերձ սիրոյ ծայնը զիրենք ի գութ  
շարժեց։ Երկիւղի վերջին սարսուոը ըսել  
տուաւ զինուորին։

— Լաւ, բայց թէ որ մեր այս օրիւ-

նազանցութիւնը յայտնուի, զիտէք թէ ի՞նչ  
կու գայ մեր գլխուն:

— Ո՞վ պիտի կարենայ զձեղ մատնել:

— Անշուշտ քաղաքացի Տորէնը. թեր-  
ևս իր լրտեսներէն մին....

— Ո՞չ, կարելի չէ, պատասխանեց  
Նավրի: Գիշերը բաւական մութ է, ոչ ոք  
զձեղ տեսաւ: Արդէն ես երեք վայրկեան  
միայն կը խնդրեմ ձեզմէ տ' Ոպէն քաղա-  
քացուհւոյն հետ տեսնուելու համար: Մի  
և նոյն ատեն գուք հսկեցէք դրան առջև.  
Եթէ մէկը ուզենայ ներս մտնել, բաէք որ  
քաղաքացուհին ճամբան մարելով հոս բե-  
րիք:

Խղճահարութեան վերջին մնացորդին  
ալ յաղթելու համար, զօրավարը զրպա-  
նէն հանեց քանի մը ոսկի:

Թրամին փայլը շուտով ամէն վախ փա-  
րատեց: Նոյն պահուն աղջիկը բացաւ իր  
աչքերը:

— Տեսէք, ըստ Նավրի, ի՞նք իրեն  
կու գայ: Դուք հեռացէք, ես կարելի ե-  
ղածին չափ կարճի կը կապեմ:

Զինուորները հեռացան:

Յանձարձ պահապանը վերջին կասկած  
մ'ալ ունեցաւ:

— Արդեօք վարպետութիւն մը չկա՞յ  
այս քանիս մէջ:

— Վարպետութիւն. ի՞նչ ըսել կ'ու-  
զես:

— Քաղաքացի սպայ, միթէ զանի-  
կայ փախցնելով ազատել կամ ասոր նը-  
ման ուրիշ գործ մ'ընել պիտի չփորձէ՞ք:

Նավրի ակնարկ մ'ուղղեց Մարիէօյին  
որ իր միտքը շուտով հասկցաւ:

— Թո՛ղ, մի՛ վախեր: Զօրավարը ազ-  
նուահողի է, ես զինք կը ճանչնամ, պա-  
տասխանատուութիւնը իմ վրաս: Միւս  
կողմէն պիտի հսկենք դրան առջև. իսկ  
գալով պատուհանին՝ վախնալու բան չկայ,  
առևս վանդակափեղկերը:

Երկու պահապանները դուրս ելան:

— Ո՞ւր կը գտնուիմ մրմուաց Ուրնէ,  
որ ակներ էր ինքն իրեն զալ:

Յետոյ իր շուրջը դիտելով աչքերը Ա-  
տորիէնի վրայ ինկան որ ծունք դրած էր  
անկողնոյն մօտ: Ոն ձեռքը դրաւ սպային  
գլխուն վրայ:

— Ո՞հ, դո՛ւ, դու ես: Զիս ազատելու  
եկար. քու տանդ մէջ եմ: Պահապանները  
ճամբեցիր: Ազատ ենք:

Ատորիէն ստիպուեցաւ ուղղել անոր սը-  
խալը:

— Աւրեմն դուն լսեցիր ի՞նչ որ երես-  
փոխանը ինծի ըստ Գիտես որ մահուան  
դատապարտուած եմ: Դուն այլ ես չես

կրնար զիս ազատել, ո՞չ, ո՞չ մէկը կա-  
րող է զիս մահուանէն ազատել։ Հայրս  
անցեալ շաբաթ զլխատուեցաւ այս դա-  
հիճներէն։ Մայրս՝ եղբայրս ըշուեցան յաք-  
սոր։ Խեղճ հօրեղբայրս աներևութացած  
է, չենք զիտեր ի՞նչ հանդիպեցաւ զլխուն։  
Ես միայնակ եմ, միայնակ. զժբախտու-  
թիւնը իմ վրաս է. ես մահուան զատա-  
պարտուած եմ աղետալի կերպով։

Երեսը ձեռքերուն մէջ ծածկելով սկսաւ  
հեկեկալ. Ատրիէն ջանաց զինքը միսիթա-  
րել, և երդունցաւ անկարելին ընել զինքը  
ազատելու համար։

— Ուընէ՛, յիշէ որ ես Գոնվանսիոնի  
զինուոր եմ և երեսիոնաններու մէջ ու-  
նիմ ազգեցիկ բարեկամներ՝ որոնց ձեռքով  
կրնամ զքեզ ազատել։

— Բայց ոչ հիմակուան հանգամանք-  
ներու մէջ։ Ո՛չ, սիրելի Ատրիէն, այլ ևս  
կորսուած եմ։ Ա՛լ ուրիշ բան չմնար ինձ  
եթէ ոչ յանձնել հոգիս Աստուծոյ և եր-  
բեք չ'մտածել աշխարհիս վրայօք։

— Հաւատա՛ ինձի Ուընէ՛, հաւատա՛ և  
մինչև վերջ յուսա՛. Ամէն բանի պիտի  
դիմագրաւեմ զքեզ խալըսելու համար. ե-  
թէ չկարենամ զքեզ զլխատման բեմէն  
ազատել, միասին պիտի ելլենք հո՞ն։

— Ի՞նչ է ծրագիրդ, հարցուց Ուընէ՛  
վարանած դէմքով։

— Ծրագիր մը չունիմ, բայց Աստուած  
երկնքէն մեր վրայ պիտի զթայ։

Դուռը զարնուեցաւ։

— Ժամանակը անցած է։ Պէտք է որ  
բաժնութիւնը Ուընէ՛ Մ'նաս բարով, ո՞չ, ո՞չ,  
ցտեսութիւն։

Խեղճ Ատրիէն ժալտելու փորձ մ'ըրաւ։  
Օրիորդը արտասուալից ինկաւ անոր բա-  
զուկներուն մէջ։

— Ո՛հ, Ատրիէն, թէ որ այս վերջին  
տեսութիւննիս էր…… Դեռ շատ երիտա-  
սարդ եմ մեռնելու համար։ Արդեօք ո՞ր  
ոճրին համար յանցաւոր եմ. եղուկ ինձ…

Պաղ սարսուռ մը ցնցեց անոր բոլոր  
էութիւնը։

— Վստահացիր ինձի մրմնջեց սպան։

Եւ զնաց դուռը բացաւ պահապաննե-  
րուն և Ուընէն անոնց յանձնեց որ երթայ։

Քանի մը վայրկեան Ատրիէն լսեց զի-  
շերուան լոռութեան մէջ անոնց ոտքերուն  
ձայնը, ու քիչ վերջ լոեց ամէն բան,  
բաց ի ձմրան ցուրտ քամիէն որ կը հե-  
ծէր կիսարաց դռնէն և բնակարանին լաւ  
գոցուած պատուհաններէն։



ԳԼՈՒԽ Գ.

Այս գէպը երռուն վրայ հինգ օր անցերէք: Ատրիէն կը կրկնապատկէք իր ջանքը, սակայն Տորէնին ազդած երկիւղը շուտով կը վհատեցնէք ամենէն բարեցակամ պաշտպաններն ալ: Նավրի՝ երեկոյեան դէմ կը մտնէ բնակարանը, և արձուկը զրասեղանին կոթնցուցած կը մնայ, վերնազգեստը, սաղաւարտը և սուրը խառնափնդոր նետելով աթոռի մը վրայ:

Դիշերուան սպուերները կը թանձրանային: Ցնպահ տիկին Պապէնի վառած ճրազը որոշ ցոյց կուտար սպային զինուորական դէմքին տխուր արտայայտութիւնը: Նա վհատութենէն մարած աչքերը փակած էք:

Փողոցին մէջ զարմանիոյ երգին վերջին տողերը կը հնչէին: Նոյն օրը բազմաթիւ գլխատումներ տեղի ունեցեր էին, և կիներու ամրոխը հանդիսատես ըլլալէն կը դառնար ոռնալով, ահաւոր խօսքեր արձակելով որոնցմով ողջունաց էին նաև դժբախտ զոհերուն վերջին վայրկեանները:

Ատրիէն աթոռին վրայ տարածուած կը ջանար խորհիւ: Բայց այդ վայրագ երգին շեշտը անոր բոլոր մտածութիւնները կը ցրուէք: Նա այլ ևս չկարենալով ինք զինք զսպել՝ մտեցաւ պատուհանին, ու պոռաց.

— Քիչ մը լոռութիւն, քաղաքացուհիներ, և կամ ուրիշ տեղ գացէք՝ հոն վերջացուցէք ձեր ոռնոցները:

Կիններէն մէկը, ճշմարիտ հսկայ մը՝ որուն հերարձակ գլուխը ծածկուած էք կարմիր զլխարկով, արեամբ ներկուած դաշոյնը ձեռքին մէջ շողացնելով՝ սպային դէմ գոռաց.

— Վար իջիր, իմ պատիկ ազնուապետականս, եթէ կը յանդզնիս արզիլել մեր ձայնը:

Ատրիէն հեռացաւ:

Անոր ներս բաշուիլը լիրը ծաղըաբանութեամբ և դժոխային ոռնոցներով ողջունուեցաւ:

— Ահաւասիկ քու զաւակներդ ով Հասարակապետութիւն, պոռաց Նավրի սոսկումով: Ազատութիւն՝ ահաւասիկ քու տուած պտուղդ. և ես... ասո՞ր համար թափեցի արիւնս: Աստուած իմ, ներէինձ:

Եստեցաւ ու երեսը ծածկեց՝ կարծես

ցնորք մը վռնտելու համար. և հուսկ մոռցաւ դիւահարները՝ որոնց ձայները կամաց կամաց կը կորսուէին հեռաւորութեան մէջ:

Շուտով մտքովք գնաց անոր զոր աշատելու երդում ըրած էր. բայց որ և իցէ հնարք չէր կրնար գտնել: Այդ յուսահատական կատաղութիւնը որ յատուկ է տըկարներուն՝ որոնք առանց պաշտպանութեան կը կրեն բռնաւորներու հարուածները, տակաւ առ տակաւ տիրեց նաև նավը բիին վրայ: Տիուր կապոյտ դալկութիւնը պատեց անոր երեսը: Մահուան ցնորք մը, Ուզնէ տ' Ապէնի Կառքը քշուելով ուամիկ ոճրագործներու մէջ՝ իր առջևէն կ'անցնէր: Անիկա ցնորքին մէջ կ'ուզէր նետուիլ անոր առջես. սակայն աներկոյթ ոյժ մը զինք բռնած կը զամէր կեցած տեղը:

— Ո՞վ երկինք: Օգնութիւն. ո՞հ, ո՞վ պիտի օգնէ ինձ, պոռաց ան յուսահատութեան տագնապին մէջ:

Իր պատասխան այս կոչին դրան մէկ հարուածը զինք ընդուստ արթնցուց: Մարդ մը՝ որուն դէմքը հազիւ կը նշմարուէր կէս մթութեան մէջ, անցած էր տան դրան սեմէն:

— Կրնամ քեզ օգնել, հարցուց անծանօթը խուլ ձայնով մը:

— Ո՞վ ես, զոչեց Ամրէէն շուտով վեր ցատկելով:

— Ես ո՞վ եմ. ինչ աղէկ հարցում, Նավրի. քիչ առաջ ձայնս կը ճանչնայիր: Ուրեմն քանի մ'օրուան մէջ փոխուեցաւ:

— Ահ Փելլըվիլ. դուն ես: Ներէ զքեզ չճանչնալուս. այնքան տկարացեր եմ, այնքան որ...

— Բսել կ'ուզես որ զքեզ ազատ թողում իմ ընկերութենէս: Շնորհակալ եմ, կը մեկնիմ:

— Ծնդհակառակն, ինդրեմ, կեցիր, քեզի կարօտ եմ: Թերես դու կարենաս ինձ օգնել: Մինչև հիմայ ինչու արդեօք զքեզ չմտածեցի: Խնդրեմ, ներէ՛, քիչ մը փայտ նետեմ վառարանին մէջ կրակը արծարծելու համար:

Նորեկը նստեցաւ, կամ աւելի ճիշդ խօսելով՝ ինք զինք ձգեց աթոռի մը վըրայ: Ան երբոր վերարկուն հանեց՝ տեսնուեցաւ այնպիսի սպրկիկ վայելուչ զգեստ մը՝ զոր քիչ մարդիկ պիտի համարձակէին փողոցներուն մէջ կրել Սարսափի այս աշաւոր ժամանակներուն:

Ինչպէս արդեօք կարելի էր որ Պելլըվիլ՝ իր մեծ ազնուականի հովերով կըցեր էր կիշյօրինեկն պրծիլ: Գաղտնիք մըն էր դա:

Ջրոյց մը կը շրջէր անոր վրայօք, բայց  
ոչ ոք իր մասին փոյթ կը տանէր, և կամ  
չէին ուզեր ճշմարտութիւնը ճանչնալ:  
Շատ անգամ Նավրի տեսած էր հասա-  
րակապետականներու քով ազգային ժո-  
ղովներուն մէջ՝ անոր քաղաքավարու-  
թեամբ հականառէլը ամէնէն բարձրաստիւ-  
ճանճներուն հետ: Ամէն մարդ անոր անոյշ  
կերպէն դիւթուած կ'երեւար: Ինըն ալ կար-  
ծես իր խօսակիցներուն կենաց մանրամաս-  
նութիւնները բնաւ չէր զիտեր: Սակայն ա-  
նոր երթալէն յետոյ, զօրարարը լսած էր  
բանի մ'անձներու՝ իրարու մէջ փափրսալը.

— Ո՞վ է այս մարդը. ուսկի՞ց կուգայ:

Նավրի գրեթէ բնական բերմամբ կա-  
պուած էր անոր հետ, թէպէտե քանի մը  
տիկիններ Տալլիէն քաղաքացուհոյն սրա-  
հին մէջ պնդեր էին թէ՝ Պելլըվիլ հակա-  
ռակ իր ազնուական կերպերոն՝ ուսմիկ  
ժողովրեան պետերէն մին էր և իր տե-  
ղապահն էր Աիմոն կիյէ անունով շա-  
րագործ մը, որուն գոյութիւնը իր տիրոջ-  
մէն աւելի խորհրդաւոր էր, և թէ մօտերս  
ահաւոր աւազակութիւններ գործած էր:

Պելլըվիլ նախ՝ ընդհատեց լոռութիւնը:

— Լաւ ուրեմն, սիրելի բարեկամ, ինչ  
հանդիպեցաւ քեզի:

Այսրիէն անոր պատմեց զլիէն անցած

դէպրերը: Ատէպ անզօր զայրոյթի լու-  
տանքներ կը փախչէին բերնէն: Երբոր  
լմնցուց խօսքը, զլուփը արմուկին կոթըն-  
ցուց և իր բարեկամին խորհուրդներուն  
սպասեց:

Պելլըվիլ թիչ մը ժամանակ համբ մնաց:  
Յայտնապէս՝ զանազան մտածութիւններ  
միտըը կը խոռոչէին: Վերջապէս նա ժրպ-  
տեցաւ: Թեթև և զուարթ գէմքով իրու  
թէ պատմուած գէպքը ձախորդ կէտ մը  
չունենար և կամ իրեն համար բոլորովին  
անձանօթ ըլլար, պատասխանեց.

— Բսել է թէ մեր կապտամորուս Տո-  
րէն բարեկամը նոր կին մը փնտոելու  
հետ է: Կը տեսնուի որ բաւական ճաշակի  
տէր մարդ է՝ քանի որ քու նշանածդ  
ընտրեր է: Բայց ինչ որ ցաւալին է,  
մերժումը մահուան վճիռ եղած է խեղճ  
աղջկան համար: Ինչու համար մերժել:

Ատրիէն ասկէ սաստիկ զրգուած, դառ-  
նութեամբ մը պատասխանեց.

— Սիրելի բարեկամ, կենաց մէջ կան  
այնպիսի բաներ, որոնք նոյն իսկ կեան-  
քէն աւելի թանկագին են:

— Զարմանալին աս է, շարունակեց  
Պելլըվիլ առանց իսկ ուշագրութիւն զնեւ-  
լու Նավրիի խօսքին ու շեշտին, շատ  
զարմանալի է, ամէն բանին ծայրը կին

մը կը գտնեն։ Ըստ իմ կարծիքիս, ասիւ-  
կայ յանցաւոր կին մըն է ֆրանսայի ներ-  
կայ կացութեան մէջ։ Հետաքրքրական  
պատմութիւն մըն է աս, ըսել կ'ուզէի...

— Ո՛չ, ո՛չ, ընդհատեց Նավրի։ Քիչ  
մը լլջութիւն, կարծիքդ միայն ինձ յայտ-  
նէ. երկու կեանք կայ այս խնդրոյս  
մէջ։

— Ա՛հ, իրաւցնէ մոռցեր էի, ըստ  
Պելլըվիլ այնպիսի բնական շեշտով մը որ  
Նավրիէն զատ ուրիշ ամէն որ կրնար խա-  
րուիլ։ Օրիորդը երբ պիտի գլխատ……

— Վաղը չէ, միւս օրը։

— Տորէն գիտէ՞, կամ կասկած մ'ու-  
նի՞ որ դուն որոշեր ես զանիկայ ազա-  
տել։

— Ամենելին ոչ։

— Ապահով ես։

— Ամենահաստատ կերպով։

— Շատ լաւ, նայէ որ բնաւ չկասկա-  
ծի։ Ցաւալին ան է որ ինծի առաջուց ի-  
մացուած չէ այս բանս, կրնայի դիւրու-  
թեամբ ազատել օրիորդը։ Հիմայ ժամա-  
նակ չկայ։ Չենք կրնար քանի մ'օրուան  
համար յապաղում խնդրել։

— Անկարելի է։

Պելլըվիլ դէպ ի պատուհան գնաց, և  
զիշերուան մթութիւնը դիտելին ետքը՝ սկը-

սաւ քայլերգ մը զարնել ապակին վւայ։  
Ատրիէն անոր ուշազբութիւն կը դնէր։  
Երկութիւն աւ քանի մը վայրկեան այսպէս  
լուս մնացին։

Յանկարծ՝ Պելլըվիլ դառնալով։

— Լաւ հնարք մը գուայ։ Ինձ այնպէս  
կը թուի որ ասիկայ միայն կրնայ յա-  
ջողիլ։

— Արդէն կը գուշակէի որ դուն պիտի  
գտնես, Պելլըվիլ, զոչեց Ատրիէն, և ոտք  
ելլելով բարեկամին բով վազեց դէմքը  
ուրախութենէն այլափոխուած։

— Սպասէ՛ Նավրի, քեզ չըսի թէ նը-  
շանածդ կրնամ ազատել, պարզ գաղա-  
փար մ'ունեցայ, հասկցա՞ր։

— Շուտ ըրէ՛, ըսէ՛։

— Կեցիր վայրկեան մը։

Պելլըվիլ զգուշութեամբ դրան մօտենա-  
լով բացաւ և աչք մը տուաւ դուրսը։ Իր  
հետազօտութենէն հանգատացած և ապա-  
հով որ մէկը չկայ, դարձաւ դէպ ի Նա-  
վրի։

— Նստէ՛։

Ատրիէն հնազանդեցաւ։

Պելլըվիլ մօտեցնելով աթոռը՝ քիչ մը ժա-  
մանակ ցած ձայնով խօսեցաւ անոր հետ։

Ատրիէն գլուխը թօթուելով պատաս-  
խանեց։

- Կը վախեմ որ չյաջողի:  
 — Զեռքէս ասիկայ միայն կու զայ և  
 յաջողութիւնը շատ հաւանական կը թուի  
 ինձ:  
 — Եթէ անգամ մը ռամիկը ոտք ել-  
 է, շատ դժուար է որ վերջը հանդարտի:  
 — Ո՞ւ, խղճահարութիւններդ ասո՞ւք  
 են:  
 — Այո՛, վերջը ի՞նչ պիտի ըլլայ եթէ  
 չկարենաս զսպել զանոնք:  
 — Աւելի՛ աղէկ, անոնք կը կախեն  
 Տորէնի պէս դժոխքի արժանաւոր երէն:  
 Այսպէս զրեթէ ժամ մը տևեց խօսակ-  
 ցութիւնը: Երբ վերջապէս Պելլըվիլ մեկ-  
 նելու պատրաստուեցաւ՝ Ատրիէն հանդար-  
 տած էր բոլորովին:  
 — Ե՞րբ պատրաստ պիտի ըլլան այս  
 ամէն բաները հարցուց ան:  
 — Շուտ շուտ, վաղը չէ միւս օր:  
 — Բայց զլիսատման օրն է այդ: Ին-  
 չո՞ւ վաղը չէ:  
 — Անկարելի է, պէտք է որ ես Սիմոնը  
 տեսնեմ ամէն բան կարգի դնելու հա-  
 մար:  
 — Սիմոն, ո՞ր Սիմոնը:  
 — Սիմոն կիյէն: Կուզ Սիմոնը:  
 — Ճիշտ է արդեօք ըսածնին:  
 — Ի՞նչ, ի՞նչ կայ, ըսէ՛ նայինք:

- Ի՞նչ, բայց....  
 — Ուրեմն ի՞նչ կայ... բայց:  
 — Միթէ Սիմոնը վարձուո՞րդ է:  
 — Երբեմն: ի՞նչ որ է, շուտով աչ-  
 քովդ պիտի տեսնես զանիկայ:  
 Նավրի բարեկամարար սեզմեց Պելլըվի-  
 լին ձեռքը, չէր դադրեր շնորհակալ ըլլա-  
 լէ, աչքերը աւելի ոգեորուած կը փայլէին:  
 Հուսկ Պելլըվիլ իր բարեկամը ողջու-  
 նելով աներեսութացաւ լոիկ և խորհրդա-  
 ւոր կերպով ինչպէս որ եկած էր:



ԳԼՈՒԽ Դ.

Յաշորդ օրը, Ատրիէն կարելի եղածին չափ բարեկամական մտերմութեամբ կը խօսակցէր զերազօր Տորէնի հետ, և սաստիկ զուարթութիւն կը կեղծէր:

Ենորհիւ Նավրիի և Պելլվիլի ծրագրին՝ Տորէն անտեղի բան մըն ալ չտեսւ սպային այդ կերպերուն մէջ, միայն բանի մը ակնարկութիւններ ըրաւ անոր չափազանց զուարթութեանը համար:

Յետոյ խօսք բացուեցաւ տ' Ուպէն բազացուհւոյն վրայօք: Երեսփոխանին ըրած դիտողութիւնները թեթևամիտ և նոյն իսկ գուհիկ էին: Սոսկումը, սէրը և մանաւանդ իր ընտրած կնոջ նկատմամբ ունեցած յարգանքը՝ Նավրին կը զրգուէին յարձակիլ ու այս եղեռնաւոր խոփածին վրայ՝ զայն խղղել և ուղեղը ցայտեցնել սենեկի պատերուն վրայ: Բայց խոհնեմութիւնը և Պելլվիլին խորհուրդները՝ իր անհամբեր ձեռքերը կը կաշկանդէին: Ան ոչ մէկ խօսքով իր հոգւոյն խորը չյայտնեց, ու կէսորէն վերջ մեկնեցաւ Տորէնի քովէն: Զինուորական պարտքերը զինք ստիպեցին եր-

կայն ատեն բացակայ մնալ բնակարանէն. ժամը տաս էր երբ սենեակը մտաւ:

Նավրի ամբողջ զիշերը անկողնին մէջ աստին անդին դառնալով անցուց: Եւ արշալոյաէն ըիչ առաջ ընկզմեցաւ ահուելի երազներու մէջ: Ան Ռընէն կը տեսնէր շղթայակապ իրեն հետ: Մի և նոյն կառըով երկուքը միասին զլխատման զործիքին կ'երթային: Ժողովրդեան աղմուկ ու աղաղակը կը խլացնէին անոր ականջները: Իսկ Ռընէն՝ մերթ կ'երգէր ու մերթ կը ծիծաղէր իր ընկերունիներուն հետ: Յանկարծ Ատրիէն զանիկայ թողուց, այլ ևս միասին չէր այդ եղեռնական սայլին մէջ, ձիով կը հետեւէր անոր: Անիկայ բան մը կը հալածէր, բայց ինչ ըլլալը ինք ալ չէր գիտեր: Կիւցօթինը կանգնած էր իրեն առջև ամբողջ մարմնով: Ատրիէն դէպ ի անոր կը յարձկի ծին յիմարաբար վարելով ամբոխին վրայէն որ զինքը կ'անիծէր. կը համնի զլխատման բեմին մօտ՝ մազալաթ մը տատանելով օդոյ մէջ ու պոռալով. յապաղում, յապաղում: Դահիճը իրեն կը ծոփ դժոխային ծիծաղով մը: Ատրիէն կը զիտէ մազալաթը՝ որուն ձեւ փոխուած էր. այլ ևս շնորհը չէր ձեռքին մէջ բռնածը, ալ արիւնաթաթաւ գլուխ մը, Ռընէին գլուխը: Դահիճը կը

մեծնայ, կ'այլափոխի՛ Տորէնի դէմքը կը զգենու և ձեռքը կ'երկարէ դէպ ի Ատրիէն, անոր ուսը կը բռնէ, կը ցնցէ ուժգին՝ պոռալով.

— Քաղաքացի՛, ուշ մնացեր ես, ուշ: Նավրի կ'արթնայ սարսափի աղաղակ մ'արձակելով: Պաղ քրտինքը կը վազէ ճակտէն ու դեռ կը զգայ դահճին ձեռքը եր ուսին վրայ ու կը լսէ դեռ այդ ձայնը, երազի ձայնը որ կը պոռար իրեն.

— Շատ ուշ, քաղաքացի. շատ ուշ: Նավրի բացաւ աչքերը: Գարմանիոյ երգիչներու զգեստով, չարագործի դէմքով և հայրենասիրութիւն ցուցադրող ժագուպեներու կարմիր գտակով մարդ մը ծուած էր դէպ ինք: Կապոյտ սպի մը կը ծածկեր անոր ձախ այտը: Զինքը աւելի տգեղցնելու համար կարծես՝ ահազին ուռեցը մը կը ցցուէր ուսերուն մէջտեղ ուր վիզը գրեթէ բոլորովին թաղուած էր. հասակը որ բնական կերպով հսկայի պէտք էր ըլլաւ, ընդհակառակն զանիկայ միջահասակ կը ցուցնէր:

Ատրիէն շակուեցաւ անկողնին մէջ:

— Ո՞վ ես դուն, գոչեց, ինք իրեն հարցնելով թէ իրօք արթնցած էր:

Կուզը Ատրիէնին ուսը թողլով.

— Ա՛հ, ինչպէս ալ արթնցար. կեցցէ բանականութեան աստուածուհին:

— Ո՞վ ես, կրկնեց Ատրիէն:

Անծանօթը ետ քաշուեցաւ և անձոռնի գլուխը վեր վերցնելով՝ աւելցուց պարծենալով.

— Հայրենակից մը, հասարակապետական մը, ազատ մարդ մըն եմ:

— Սատանային ծոցը գլորիս բու տիտղոսներովդ, անունդ ըսէ՛, անունդ:

— Իմ անունս՝ կ'երաշխաւորեմ որ քուկինէդ աւելի պարզ և ծանօթ է: Եթէ ես ալ Նավրի կոչուէի, ըսաւ, ուժով մը շեշտելով արին վրայ, պէտք էր կամ անունս փոխել և կամ ազնուապետականներու շատ ծանօթ ճամբայ մը բռնել ամէն առաւօտ: Այս բառը շատ ուժով կը հնչէ, կը յիշեցնէ բռնաւորը, և վերջապէս ինձին նման հայրենասէրներուն ականջին գէշ կը զարնէ: Ո՞վ երիտասարդ, իմ խորհուրդիս հետեւ, և փոխէ այս բուրը:

Ատրիէն ապշած կը նայէր:

— Ազատութեան վարդապետութիւնները քեզի լաւագոյն քաղաքավարութիւն մը չեն սորվեցուցած, դու՛, դու՛ ըսելէն զատ քեզմէ բարձր աստիճանաւորներուն:

— Ա՛հ, յանուն այդ աստուածութեան, որ բանականութեան աստուածուհին առաջ գոյութիւն ունէր, ով կը համարձակի

Եղբայրութեան այս պահնծալի օրերուն մէջ  
մեծաւորներու վրայօք խօսելու; Երիտա-  
սարդ, դուն յիմար ես... բայց ինչ կ'ը-  
սեմ... ինչ բան կարելի է յուսաւ ազ-  
նուագետականի մը որդիէն:

Առրիէն լւա հասկցաւ որ սխալած էր:

— Դուն իմ միտքս չես համենար պա-  
տասխանեց ան. ես աս ըսել չեմ ուզեր:  
Քաղաքացի, ամէնքնիս ալ հաւասար ենք,  
բայց ես քաղաքացիէ մ'աւելի եմ...  
Միթէ զինուոր մը, սպայ մը չեմ:

— Լաւ, ինչ բանի կու զան ասո՞նք:  
Ուրեմն, անոնց համար պէտք է որ ես  
զգեզ կոչեմ՝ Տէր, կամ Զեր Մեծափա-  
ռութիւնը և կամ....

— Կը բաւէ շատախօսութիւնդ Պարոն  
կուզ, զոչեց Նավրի, համբերութիւնը հա-  
տած: Հասկցանք, հասկցանք, անունդ  
ըսէ:

— Անո՞նս, Պարոն կուզ, բացազան-  
չեց հայրենասէրը հտպտանօք, և այն  
ատեն մինչեւ գետին խոնարհելով Առրիէ-  
նին առջև, ծաղրական հանդարտութեամբ  
մ'ըսաւ.

— Ես ինչպէս կը կուչուիմ. Զեր Ազ-  
նուութիւնը զիտցած ըլլայ որ ես միշտ  
առանձին ըլլալովս երբեք հարկ չեմ ու-  
նեցած անունս տալու, բայց թէ որ Զեր

Արքայական Վեհութիւնը ինձ պատիւ կը  
շնորհէ ձեզ ծանուցանելու թէ ուրիշները  
ինչպէս կը կոչեն զիս, կընամ պատաս-  
խանել Զեր Ամենազնիւ Վեհութեան թէ՝  
երբ ինձ պէտք մ'ունենան Սիմոն Կիյէ  
կը կոչեն, իսկ բացակայութեանս ատեն  
կուզ Սիմոն կ'անուանեն:

Առրիէնի բարկութիւնը և այս այցելու-  
ին մտաւոր վիճակին վրայօք՝ ունեցած  
կասկածները ամենամեծ ուրախութեան  
փոխուեցան:

— Դուն, Սիմոն Կիյէն, բայց ինչո՞ւ  
առաջուց չըսիր:

Եւ անոր առանց ժամանակ տալու որ  
պատասխանէ աւելցուց:

— Ինչ լուր կայ: Քեզ Պէլլըվիլ քա-  
ղաքացին զրկեց: ինքն ուր է, ինչո՞ւ հա-  
մար չեկաւ:

— Դեռ ո՞րչափ հարցումներ պիտի  
ընես մէկ շունչով, անիծուած..., եթէ գեռ  
շատ պիտի երկնցնես, ինձ կը թուփ որ  
կընամ երթաւ շրջան մ'ընել ու զանալ  
մինչեւ որ պատրաստ ըլլաս ինծի մտիկ  
ընելու:

— Ո՞ն, մի՛ գշտանար, բարի Սիմոն,  
ըսաւ Առրիէն ժպտելով մը՝ հակառակ  
կսկիծներուն: Շուտ, պատասխան տո՞ւր,  
ո՞ւր է Պէլլըվիլ:

— Ինքը զիս զրկեց քեզի հետ ծանօթանալու համար, որպէս զի երբ ամրոխին մէջ իրարու հանդիպինք՝ կարենանք զիրար ճանչնալ: ինձի յանձնեց որ յորդորեմ քեզ՝ ճանդարս և պաղարին ըլլալու, մանաւանդ Տորէսին հետ:

— Աւելորդ նախազգուշութիւն, ըստ Ատրիէն խրոխտ կերպով մը:

— Նոյն խակ քեզմէ քաջերն ալ կորսուած են այս թերութեամբ:

— Բոլորը աս է, ուրիշ յանձնարարութիւն չունի՞ս:

— Այս ունիմ, շատ հաւանական է որ Տորէն կէսօրուան դէմ դարձեալ բանարայցելէ ու վերջին փորձ մըն ալ ընէ տ' Ուպէն քաղաքացուհին որսալու համար, և ետքը տունը դառնայ: Պէտք է որ ժամը մէկին դուն հոն գտնուիս ամէն բան պարաստ պիտի ըլլայ:

— Ապահով եղիր:

— Այն ատեն՝ ըստ Աիմոնը ոտք ելւելով, քեզ հետ գործերնիս լմացաւ: Քաշացի, թոյլ տուր որ այլ ևս երթամ:

— Ի՞նչ, այդքան շուտ:

— Շուտ է կ'ըսես. պէտք է որ մարդիկս տեսնեմ ու վերջին հրամաններս տամ. ժամը եօթն է.

— Եօթն է ի՞նչ կ'ըսես:

— Այս, կարծես թէ ժամանակը կը կենայ մինչդեռ դու կը քնանաս, կ'երազես յապաղման կամ ուրիշ բաներուն վրայօք. այլ ևս ո՞չ դուն և ոչ ալ ես ժամանակ չունինք կորսացնելու: Քեզի բարի առաւատ մը և նոյնպիսի բարի երեկոյ մըն կը մաղթեմ:

— Զեմ զիտեր ի՞նչպէս քեզ շնորհակալ ըլլամ, ըստ Ատրիէն: Եւ չեմ հասկընար թէ ինչո՞ւ ինձ օգնել կ'ուզես:

— Այս բանին վրայ բնաւ մի խօսիք, պատասխանեց Աիմոն՝ Ատրիէնի ձեռքը սեղմելով զոր իրեն կ'երկնցնէր: Օր մը, եթէ մեր գործը յաջողցնենք, ինչպէս որ կը յուսամ, թերես կ'ըսեմ քեզ իմ զաղունիքս:

— Աստուած հետգ ըլլայ, Աիմոն:

կիյէն յառաջեց դէպ ի դուռ և սեմին վրայ կենալով.

— Թէ որ կ'ուզես զիս վարձատրել ժամանակին, կընաս....

— Ըսէ՛, ըսէ՛, պոռաց Ատրիէն վարանմամբ:

— Կընաս.... վերցնելով իմ կուզութիւնս:

կուզը հեռացաւ և մինչդեռ սանդուխին վրայ էր, Նավրի լսեց անոր բարձրաձայն բրբջալիք ծիծաղիլը:

ԳԼՈՒԽ Ե.

կէսօրուան դէմ Տորէն ուղղուեցաւ դէպ  
ի Ռընէին բանար. անմիջապէս մտցուեցաւ խցիկին մէջ: Այցելութեան պատճառը աս էր: Կը յուսար որ աղետալի ժամուն մօտենալը թերևս նպաստաւոր փոփոխութիւն մը քերած ըլլար օրիորդի մտքին մէջ: Ներս մտաւ՝ վատահ իր յաղթանակին վրայ: Սակայն նաև մեծ եղաւ զարմանքը՝ երբ տեսաւ որ դարձեալ մերժուեցան իր ըրած շնորհները և օրիորդը անընկճելի և զոռոզ մնաց մահուան առջև:

— Ուրեմն չե՞ս վախնար կառափնատէն:

— Թերևս վախնամ, բայց այս երկու չարիքներէն փոքրագոյնը ընտրեցի, պատասխանեց Ռընէ, կը նախընտրեմ կառափնատը քան քեզ:

— Անիծուած. մոնչեց Տորէն զայրոյթէն գունատած. դահիճը իբր պատուոյ օրիորդ մը քիչ անճարակ, և կիւյօթինի տախտակամածը իբր հարսանեկան անկողին բաւական խիստ պիտի գտնես:

Տորէն դուռը ետեէն ուժով մը գոցելով

մեկնեցաւ անկից: Ան արագ, ամուր և գրգռուած քայլերով կ'երթար: Սիմոն՝ որ արդէն իր մարզիկը զետեղած էր հրապարակին մէջ, անոր գալը տեսնելով ժրպատեցաւ: Յառաջեց դէպ ի ան, ճամբան կտրեց առջեկն անցնելով և արմուկովը անոր զարնուեցաւ՝ այնպիսի սաստկութեամբ որ՝ քիչ մնաց երեսփոխանը գետին գլուորէր:

Տորէն շուտով վեր կանգնեցաւ փնտռելով զինքը հրմշտկողը: Այս ցնցոտի մարդուն կերպարանքը, հանդարտութիւնը և անհոգ կերպը երեսփոխանը զայրացուցին: Յարձըկեցաւ անոր վրայ և առանց բառ մ'ըսելու ուժզին բռնցի մ'իջնեցոց երեսին:

— Անպիտան շուն, գոչեց կուզը, դուն ով ես որ քայլերս քեզի տեղիք տան:

— Ես ով եմ:

— Միթէ հաւասարակիցդ չեմ:

— Եհէ. ինչպէս երեսփոխան մը հաւասար ըլլայ քեզի պէս չուառականին. կորսուէ՛ եթէ չես ուզեր որ զեզ ջախջախեմ. կորիր, գործ չունիմ քեզի հետ:

Նոյն պահուն խառնիճաղանձ խուժանը շրջապատեր էր զանոնք: Սիմոնին մարզիկը հոն էին: Երբ Տորէն այսպիսի ամբարտաւանութեամբ պատասխանեց, կա-

տաղի մռնչին մը փրթաւ անոնց մէջ։  
Տորէն այն ատեն միայն տեսաւ զիրենք,  
բայց, շատ ուշ։

— Քաղաքացի՝ զրկէ՛ զիս, պոռաց  
Ախմոն։

Եւ մինչդեռ դէպ ի ան կը յառա-  
շէր, Տորէն քստմած ետ ետ քաշուելով։

— Կորիք թշուառական, եթէ ոչ սրովս  
քեզ կը ջախջախեմ։

Աս ըսելով ձեռքը կողին տարաւ և  
տեսնեով որ կուզը միշտ կը մօտենար,  
մերկացոց սուզը։

— Տեսէ՛ք սա ազնուապետականը, հայ-  
րենասիրի մը բարեկամական զրկախառ-  
նումը բռնութեամբ կը մերժէ։

Սիմոնը կեցած էր և ամրոխը կը շըր-  
ջապատէր երկուքն ալ։

— Ի մահ ազնուապետականը, ի մահ  
բռնաւորը, կախուի անօրէնը՝ կը պոռային  
ամէն կողմէն։

Տորէն տեղը անշարժ մնաց՝ սարսափէն  
շփոթած և ահարեկած։ Խուժանին մէջէն  
յանզնագոյններէն մէկը փայտով խթելով  
երեսփոխանի կռնակին՝ ըսաւ սպառնալից։

— Սուրդ յանձնէ, սիրելի ազնուապե-  
տականս, եթէ չես ուզեր որ խորտակուի։

Այս վերջին նախատինքով դեռ աւելի  
կատղած, երեսփոխանը առանց լրածին

հետեւանքը մտածելու՝ սըոյ հարուածով  
մը նախատողին պատասխանեց։ Առորին  
ծայրը դպաւ մարդուն երեսը և վերքէն  
արեան զիծ մը դուրս ցայտեց։ Ասով ամ-  
բոխը աւելի ևս զայրացած յարձակեցաւ  
Տորէնի վրայ, կոփւր դուրսակնձին զիրք  
մ'առաւ երեսփոխանին համար։ Սիմոն  
Նավրին խոստացեր էր՝ Տորէնը բերել  
իր բնակարանը և ժամանակն էր,

— Բարեկամներ, զայն ինծի թողուցէք,  
պոռաց կուզը, տեղիք տուէք մեզի, իրեն  
պիտի ցուցնեմ որ այսօր իր վարպետը  
գտաւ։

Ու շուտով լայն դանակ մը քաշելով  
գոտիէն յարձկեցաւ Տորէնի վրայ։ Երկու  
զէնքերն ալ փայլատակեցին երբ իրարու  
հանդիպեցան, և կայծեր փրթան պողպա-  
տէն։ Վայրկեան մը դանակը կպած կը  
թուէր երեսփոխանի սուրին, երկու մար-  
դիկ կը ճգնէն փոխադարձ իրենց ուժը  
ցուցնել։ Յետոյ իրարու յաջորդեցին եր-  
կայն շարք մը սրախաղական շարժումնե-  
րու՝ զիրար հարուածելու համար և աշ-  
խոյժ քայլափոխի, որով կուզին նպա-  
տակն էր Տորէնը իր վիրքէն խախտել։

Քաջալերութեան աղաղակ մը փրթաւ  
ամրոխէն յանուն Սիմոնի։ Ծաղրածու-  
թեանց երկայն զոռում գոչումը կ'ողջու-

նէին Տորէնի ամէն մի քայլը։ Վերջաւպէս, Ախմոն յաջողեցաւ ոսոխը մէկդի քաշել պատէն, ուր որ կոթնած էր։ Դանակին ճարտար շարժումներովը՝ Ախմոն կը ցուցնէր որ իզուր չէր պարծեցած Տորէնին հաւասար ըլլալու։ Երեսփոխանը ըստ ինքեան վախկոտին մէկն էր։ Մինչեան ատեն զինաշարժութեան մրցումը միայն զայրոյթէն մղուած կ'ընէր, կուզին ճարպիկութիւնը զինքը կը զերազանցէր ու կը սարսափեցնէր։ Կայ բնական զգացում մը և տեսակ մը մագնիսացում՝ որ կոռուզներուն կ'ազդէ այն ատեն երբ թշնամին փատած է։

Տորէն հազիւ թէ իր տկարութիւնը ըմբը ըստեց, Ախմոն իր առաւելութիւնը զգաց և ըստ այնմ գործածեց զայն։ Երեսփոխանը այն ատեն յուսահատարար սկսաւ կոռիւլ։ Ան բոլոր ծանրութեամբը և բոլոր ուժովը կը կշռէր հարուածները՝ գործը շուտով լմացնելու համար։ Ախմոն ճարտարութեամբ խոյս կու տար, և Տորէն որ և է դիմագրութեան չհանդիպելով կը կորսնցնէր հաւասարակշուռութիւնը և կը տատանէր յառաջ։ Կուզը իր հարուածները կ'ուղղէր ճիշտ անոր երեսը և անոր աչքերուն կը սպառնար այնպիսի արագ խառներով որ երեսփոխանը չէր կրնար հե-

տեկիւ դանակի շարժումներուն։ Բնազզմամբ զէնքը կը վերցնէր և կը զգուշանար հարուածներէն։ բայց անոնք այնքան խիտ կը տեղային որ իրեն ժամանակ չէին թուղուր յարձակողական դիրք մը բռնելու։ Ախմոն՝ երեսփոխանին վրայ այսպէս զօրանալէն վերջը հետզիստէ արագութեամբ կը յառաջանար։ Տորէն իւրաքանչիւր հարուածին բայլ մը կ'ընկրկէր, կը լսէր միշտ սպառնացող երկաթին ծախորդ շկահիւնը։ Բարկութիւնը իջաւ։ Մտածութիւն մը միայն զինք կը խոռոշէր, ան կը զգար ուժին նուազիլը։ Վայրկեանէ վայրկեան իր դողոջուն ձեռքը՝ կրնար իյնալ սոսկալի կուզին հարուածներուն տակ։ Այսերը գունատեցան, ան մերթ ընդ մերթ կիսաբաց բերնէն խոռ հառաչներ կ'արձակէր, և բայլ առ բայլ տեղիք կու տար այս դժոխային մարդուն առջնէն՝ որ շարունակ զինք կը քչէր։

Վերջապէս նահանջը կը վերջանայ, տեղիք կուտայ փախուստի, փախուստ մը յանկարծական դէպ ի ետ՝ զինք ազատելու համար՝ դեռ աւելի սաստկացած հարուածներէն։ Ո՛հ, եթէ կարենար անզամ մը ձեռք ձգել իր բնակարանին դուռը։ Ազատելու բանի մը բայլ միայն կը պակսէր անոր։ Սակայն որբան ան ետ կը նա-

հանջէր, այնքան աւելի կուզը կատղած  
անոր վրայ կը յարձակէր։ Տորէն մտքէն  
Աստուծոյ աղօթք մը մրմնջեց որպէս զի  
դուռը բաց գանէր, ուր վերջապէս հասաւ։  
Չեռք մը երկնցաւ կիսաբաց դռնէն և  
երեսփոխանին կռնակէն բռնելով՝ ուժգին  
ներս քաշեց զայն։ Ծանր դուռը ճռնչեց։  
Երեսփոխանը ազատած էր։ Այն ատեն  
կուզը զանակը պատեանը դնելով դար-  
ձաւ իրեններէն մէկուն, ըսաւ։

— Նավրիին իմացն'ըր, շուտով զայ։  
Երիտասարդը վազելով աներեռութա-  
ցաւ։

---

## ԳԼՈՒԽ Զ.

Տորէն, առանց բան մ'ըսելու վիլէտին  
որ զինք ճիշդ ժամանակին ազատեց, և այլ  
ևս վախը փարատած ինքզինք ապահով  
տեսնելով, սկսաւ նախատանաց հեղեղ մը  
թափել Սիմոնին դէմ։ Վազելով մազցե-  
ցաւ սանդովին ի վեր ու նետեց զինք իր  
սենեկին մէջ։ Դրաւ սեղանին վրայ իր  
սուրը որ շատ տեղ ընդունած հարուած-  
ներուն հետքերը կը կրէր։ մէջքէն զոյգ  
մը ատրճանակ հանեց և զետեղեց անոր  
քով։ Յետոյ զիմարկը անկիւն մը նետեց  
և ինկաւ աթոռի մը վրայ ճակտին քըր-  
տինքը չորցնելով։ Նոյն պահուն ամբոխը  
ահաւոր կերպով բազմանալով կը կան-  
չուըռոտէր։

— Կանթեղին, մեռնի՛ բռնաւորը։  
Տորէն ոտք ելաւ, վանդակին մէջ գո-  
ցուած վազրի պէս վեր վար կը քալէր  
մտիկ ընելով դուրսի գոռում գոչումը։

Յանկարծ ապակիներու շառաչ մը լը-  
սուեցաւ։ Զօրեղ բազկէ մը նետուած մեծղի  
բար մը սուլելով պատուհանէն անցաւ։

Երեսփոխանը սարսափահար դէպ ի  
դուռը վազեց պոռալով։

— Վիլէտ. Վիլէտ. գետին անցնիս,  
անասնն, ինչու կը վախես:

Անելին մէջ նետուած ուրիշ բար մը  
քիչ մնաց պիտի հարուածէր խեղճ ծա-  
ռան, որ սարսափէն բոլորովին գոյնը  
նետած՝ ներս եկաւ. Տորէն հրամայեց անոր  
շուտով փեղկերը գոցել:

Վիլէտ ակամայ հնազանդեցաւ.

— Դնա՛, դուրս ելիր այլ հս. բայց  
նայէ որ բոլոր դռները ուժով գոցուած  
ըլլան:

Վիլէտ մեկնեցաւ:

Քիչ մը ժամանակ Տորէն մութի մէջ  
նստած մնաց. խոռովութեան վերջանալուն  
կը սպասէր:

Ո՞ն, յանկարծ դուրսէն ուրախութեան  
երկայն աղաղակ մը լսեց: Հակառակ իր  
հետաքրքրութեանը չհամարձակեցաւ պա-  
տուհանը բանալ: Եւ յետոյ ոտքի ձայներ  
լսուեցան սանդուխին վրայ. վեր կու գա-  
յին: Տորէն ձեռքն առաւ ատրճանակին  
մէկը մինչդեռ դուռը բացուելու վրայ էր,  
պոռաց բոլոր ուժովը.

— Եթէ բայլ մըն ալ ընես կը հա-  
րուածեմ:

— Ինչ ազնիւ, եռանդուն ընդունելու-  
թին բարեկամի մը համար, պատասխա-  
նեց շատ ծանօթ ձայն մը:

— Ահ, դուն ես Նավրի.... Շուտ ըրէ,  
շուտ զինուորները, զինուորներդ կանչէ...  
ամէնըն ալ....

— Էհ, Բնչ կայ, ապստամբութիւն.  
Համբերէ, փողոցը դատարկուելու վրայ  
է.... Ինչու բռնութեան ձեռք զարնել, և  
միանգամայն խոհեմութիւն չէ, վերջը ամ-  
բոխը կը կատղի:

— Ուրեմն մինչև որ այս ռամիկ բազ-  
մութիւնը քաշուի՝ ես հոս բանտուած պի-  
տի մնամ:

— Ո՛չ երբեք, կարծեմ համոզելը աւելի  
օգտակար պիտի ըլլայ քան բռնութիւնը:

— Համոզել.... Էհ, շատ աղէկ....  
համոզէ նայիմ զանոնք: Արիութիւն կը  
մաղթեմ. բայց ես չեմ խառնուիր եթէ  
բարի հարուած մը խօսքերդ կարէ:

Ամբոխը՝ որ բանի մը վայրկեան հան-  
դարտած էր, երկայն աղաղակ մը բոցուց:

— Ինչու կը պոռան այդ սատանա-  
ները, մոնչեց Տորէն:

Նավրի մօտեցաւ պատուհանին և կա-  
մացուկ մը փեղկը կէս բանալով՝ դուրսը  
նայեցաւ: Աչքին զարնող տեսարանը զինը  
վերջին աստիճանի յուզեց, բայց զրեթէ  
պաղարիւնութեան հրաշբով մը կրցաւ  
անտարբեր երկնալ: Դատապարտուածնե-  
րու սայլը՝ որ կառափնատ պիտի երթար,

կեցած էր Տորէնի դրան առջև... Որչափ  
որ կարելի էր դատել անոնց գոռում զո-  
շումէն, սրիկաները կը պահանջէին որ  
երեսփոխանը սայլին մէջ նետուի: Տո-  
րէնին գոյնը նետեց, շրթունքները դեղ-  
նեցան:

— Սայլին հետեւող այդ քանի մը զի-  
նուորները չե՞ն ուզեր ուրեմն զէնքենին  
գործածել, ըստ ան:

Ատրիէն անոր ըստածը չլսեց: Իր ուշա-  
զրութիւնը կը զբաւէր միայն նաևկամարդ  
աղջիկը՝ զոր դատապարտուածներուն մէջ  
տեսած էր:

Հուսկ դառնալով Տորէնի.

— Քաղաքացի, կը լսե՞ս, ըստ, ամ-  
բոխը ցուցնելով:

— Այո՛, Նավրի, բայց խնդրեմ զնա՛  
զինուորներդ շուտ բեր, եթէ զիս ազա-  
տես, վստահ եղիր վրաս, զիտեմ լաւ  
վարձատրել զբեզ:

— Ուզածէդ աւելին, թէ որ....

— Ըսէ՛, ի՞նչ կ'ուզես.... զօրավարու-  
թեան աստիճան:

— Մտիկ ըրէ՛, քաղաքացի: Այս ամ-  
բոխին զլուխն է սրիկայ մը կիյէ անունով,  
կուզ մը որ ռամկին վրայ ամենամեծ ազ-  
գեցութիւն ունի, անոր մէկ քանի խօսքը,  
և բու բուռ մը ոսկիդ, կարող են շուտով

զանոնք ցըռւել ի՞նչպէս քամին տերեները:  
Հիմայ, կիյէն ինձի պարտը մ'ունի անոր  
ըրած քանի մը նպաստներուս համար,  
մէկ խօսքով կրնամ հրաշբ գործել:

— Ո՛հ, սիրելի Նավրի, զնա՛, վայր-  
կեան մըն ալ մի կորսնցըներ: Գնա՛, խօսէ  
կիյէին հետ:

— Համբերէ վայրկեան մը, ուզածդ  
կ'ընեմ, բայց պայմանաւ մը:

— Կը չնորհեմ ի՞նչ որ ուզես. միայն  
թէ այս ամբոխը հեռացուր ասկից և եկուր:

— Զեմ կրնար սպասել, վայրկեանի  
մէջ կրնաս ընել ուզածս: Շնորհ կը  
խնդրեմ մէկու մը համար զոր սայլին մէջ  
կը տեսնեմ:

Տորէն զրիչը ձեռքն առաւ, զրպանէն  
հանեց արդէն իսկ պատրաստուած թուղթ  
մը՝ զոր նոյն առուու Ռընէին համար զրած  
էր, ստորագրեց ու յետոյ Ատրիէնի դառ-  
նալով.

— Անունը ի՞նչ է:

— Ռընէ ա՛թպէն:

Տորէն ապշած զրիչը մէկդի նետեց:

— Երբեք, պոռաց ան. ի՞նչ բանի  
համար:

— Վասն զի նշանածս է:

— Ատախօս, ի՞նչպէս կրնայ ըլլաւ.  
շաբաթ մ'առաջ կ'ըսէիր թէ զինք չես

ճանչնար: Դեռ երէկ՝ ինձ հետ կը խընտայիր  
անոր վրայ: Անպիտան, դուքս ելիր ասկից:

— Շատ լաւ, ուզածիդ պէս. արիմնդ  
գլխուղ վրայ ըլլայ:

Ատրիէն ուսը ցնցելով ուզուեցաւ դէստ  
ի դուռը:

— Գիտցած ըլլաս, բաղաքացի, ըսաւ  
դառնալով, տուած մէկ նշանս կարող է զքեզ  
ազատել և մէկ խօսքս՝ զքեզ կորմնելու:  
Եթէ վայրկեան մը մարմինդ տատանի  
կախաղանին վրայ, գիտցիր որ մի միակ  
պատճառը՝ բու այս մերժումդ է:

Տորէն խածաւ շրթունքները, ձեռքը  
ջղաձգութեամբ սղմեց ատրճանակին կոթը:

— Իզուր, սիրելի Տորէն, ըսաւ Ա-  
տրիէն՝ այս շարժումը տեսնելով, բու-  
րնակարանիդ վրայ յարձկելու նշանը ա-  
տրճանակի հարուած մըն է. ուստի, եթէ  
ուզես ձեռքովդ կու տաս այդ նշանը և....

Տորէն յանկարծ վեր ցատկեց.

— Բսել է որ գաւաճան մըն ես դուն:

— Թերեւս.... քեզի վերջնական կեր-  
պով կ'իմացնիմ, որովհետեւ այս ամէնը  
ես առաջուց գուշակեր էի, յանձնեցի  
կիցէին ատրճանակի առաջին հարուածին  
դուռը խորտակել. այնու հանդերձ նորէն  
նոյնը պիտի կատարուի եթէ մէկ բարորդ  
ժամէն ասկից դուրս չելեմ:

Կատաղի մոնչիւն մը փախաւ Տորէնի  
շրթունքներէն: Անփկայ երդուընցած էր որ  
Նավրին ողջ պիտի չելէր անկից: Խա-  
րուած ըլլալը լաւ կը հասկնար:

— Ուրեմն կը զրկե՞ս զիս քաղաքա-  
ցի, հարցուց Նավրի, աճապարելով գոր-  
ծը շուտով լմնցնելու:

Տորէն չպատասխանեց: Ճողովրդեան  
աղաղակը կը սաստկանար: Դուռը խոր-  
տակուելու վրայ էր հարուածներու սաստ-  
կութենէն: Վերջապէս երեսփոխանը պա-  
տուհանին մօտենալով ակնարկ մը նետեց  
դուքսը:

Ճնորհման թուղթը բոլորովին պա-  
տրաստ կը կենար գրասեղանին վրայ, Ատ-  
րիէն զայն առաւ:

— Սայլը ճամբան կը շարունակէ, ը-  
սաւ Տորէն. շնորհը այլ ևս ի զուր է: Ամբոխը կը ցրուի.... կրնամ այլ ևս  
դուրս ելլել, Ուզնէ տ' Օպէնի գլխին իյ-  
նալը կ'ուզեմ տեսնել:

Ան սաստկութեամբ գոցուող դրան աղ-  
մուկէն ետեւ դարձաւ:

Տորէն ուշ անդրադարձաւ իր շուրջը  
անցած դարձածը: Վազեց որ բանալին  
առնէ, ի զնուր, սողնակը ճոնչեց կղպակին  
մէջ: Այլ ևս իր սենեկին մէջ բանտըւած էր:  
Խակնախասինեկին մէջ Նավրի յարձակեցաւ

սարսափած Վիլէտին վրայ, բռնադատեց  
զայն՝ գոնել կրցած կահ կարասիքը դի-  
զել դրան մուտքին վրայ:

Երբ այս գործողութիւնը լմնցաւ, Նավ-  
րի ծառան ուժով ուժով կապեց սեան  
մը իր սուրբին տոկովը. յետոյ առանց հոգ  
ընելու իր զէնքին վրայ, երեք չորս ցատ-  
կելով սանդուխներէն՝ ինք զինքը դուրս  
նետեց: Կիյէն աներևութացած էր: Ամ-  
բոխը՝ զոր այլ ևս արգիլող մը չկար  
զրոհ տուաւ երեսփոխանին տունը վայրենի  
զազաններու նման մռնչելով:

— Ո՞ւր է կիյէն, հարցուց Ատրիէն  
իր ձին բռնողին.

— Սայլին ետեէն՝ Հասարակապետու-  
թեան հրապարակը մեկնեցաւ:

Ատրիէն ցատկեց թամրին վրայ և մինչ-  
դեռ սրաթռոխ կ'ընթանար, տեսաւ կուզը  
իր ձիուն վրայ որ դէպ իրեն կը վազէր:

— Շնորհը յաջողցուցի՞ր, Սիմոնը հե-  
ռուէն պոռաց Նավրին տեսնելով:

— Այո՛, այո՛:

— Օ՞ն, շուտ ուրեմն.... յառաջ, զըլ-  
խատումը սկսած է.... թերևս դեռ ժա-  
մանակ ունենանք:

Սրընթաց անցան Ազգային փողոցը:  
Մարա փողոցին մէջ խիստ ամբոխը  
կ'արգիլէր անոնց առաջ երթաւը. և նոյն

իսկ վայրկեան մը զիւենը շրջապատուած  
տեսան արիւնկզակ խումբերէ և մանա-  
ւանդ դժոխաղէմ կիներէ որոնք կը սպառ-  
նային: Յուզմունքը կը բզրտէր Ատրիէնի  
սիրաը:

— Ատրճանակ մ'ունիս, պոռաց կիյէն:  
Ատրիէն բան չէր լսած, և արդէն իսկ  
իր ձին բշած էր ամբոխի առաջին գծին  
վրայ: Ան կ'անցնէր վիրաւորուածներու  
ցաւագին ճիշերու և անէծքներու մէջէն:  
Սիմոն անոր հետևեցաւ զինք պաշտպանե-  
լու համար:

Հասարակապետութեան հրապարակին  
մէկ կողմէն իյնող կառափնատին ահաւոր  
շաշինը լսուեցաւ:

Ատրիէն սարսուց:

— Ո՞հ, թէ որ աս էր Ուընէին զլու-  
իք.... Յառաջ Սիմոն.... յառաջ:

Ան կօշկին խթանը միսելով ձիու կող-  
քին՝ զիմեց կառափնատին ոտքը:

— Շնորհ մը. շնորհ մը:

Այս խօսքերու իբրև պատասխան, դար-  
ձաւ դահիճը և սակառին մէջէն առնելով՝  
դեռ դողդոջուն՝ կնոջ արիւնոտ զլուխ մը  
ներկայացուց ոռնացող ամբոխին, որ հետ  
զիստէ կը սեղմուէր կիյօրինին չորս կող-  
մը: Ատրիէնին աչքերը այս տիսուր առար-  
կային վրայ ինկան: Ան սարսափած դար-

ձուց երեսը և ձեռքերուն մէջ ծածկեց՝  
իբրև թէ զարհուրելի ցնորք մը վռնտէր։  
Թուղթը ձեռքէն սահեցաւ և շրթունքէն  
յուսահատական աղաղակ մը ժայթկեց,  
որ ընկղմեցաւ ժողովրդեան «Լեցցէ՛ Հա-  
սարակապետութիւն» գոռում գոչումին  
մէջ։

Նավրի կատաղութենէն յիմարած թո-  
ղուց սանձը ձիուն որ կայծակի նման  
զինք քշեց տարաւ ամրոխէն դուրս և այս  
սարսափելի տեսարանէն հեռու։

---

### ԳԼՈՒԽ Ե.

Նավրի բոլորովին խուլ իր շուրջը ան-  
ցածներուն՝ սրարշաւ կը վազէ փողոցնե-  
րու մէջէն։ Տորէնի բնակարանին առջեէն  
կ'անցնի՝ առանց իսկ տեսնելու երեսիո-  
խանին մարմինը, որ կը տատանէր ցայգա-  
լապտերին վրայէն և սրիկաներու ամրոխը  
որ այս զարշելի մացորդը կը շըջապա-  
տէին։

Ան կ'ուզէր աւելի շուտ հեռանալ այս  
դժոխոքէն։ Պահանորդ զինուորը զանիկայ-  
առանց զլիսարկի և նշանազգեստը բացուած  
տեսնելով, կ'ուզէր խափանել անոր ճամ-  
բան։ Նավրի ուղղեց ատրճանակը, մարդը  
տեղիք տուաւ։ Ան քառատրոփ կ'ընթանար,  
միշտ կը սուրար փոշիոտ ճամբայէն առանց  
հոգ ընելու շնչառապ ձիուն, առանց  
մտածելու և զիտնալու թէ ո՛ւր կ'երթար։  
Իրեն հետեւող ձիաւորի մը դոփիւնը և  
իրեն «Կեցի՛ր, Կեցի՛ր» պոռացող մարդու  
մը ճայնը յուշը տեղը բերին։ Ան ետև  
դարձաւ՝ թամբին վրայէն նայեցաւ զէտ  
ի ճայնին եկած կողմը առանց ընթացքը  
նուազեցնելու։ Զին զետին ինկաւ։ Նավրի

ճամրան արգիլող ցանկը անցաւ ձին ծաղկաւ կաւշտ մարզագետնի մը վրայ թողուց որ ուղածին պէս թափառի:

Հո՞ն զրեթէ քառորդ ժամ մը նստած մնաց՝ շնչասպառ, գունատ, աչքերը արիւնալից: Ամէն բան կ'անիծէր, նախ ինք զինքը, Յեղափոխութիւնը, Սարսափին ու Տորէնը:

Քիչ հեռուէն լսուեցաւ ձիարշաւ հետեալի մը դոփիւն ու զբնդիւնը: Նավրի ոտք ելաւ:

— Կու գան. անշուշտ կիյէն ու Պելլավիլ պիտի ըլլան, կ'ուզեն ձեռքս կասեցնել: Աւաղ, շատ ուշ պիտի հասնիր: Ուընէ, կու գամ զբեզ գտնելու:

Ան ձեռքը մէջքին տարաւ: Ի զ՞ւր. ատրճանակը պարապ էի: Եւ յիշելով որ զայն արձկած էր.

— Պէտք էի անասունին խնայել և շուտով ինքզինքս սպաննել: Սակայն, ինչ հոգ, կապար եղեր է, պողպատ եղեր է.... Երկինք, ուր է սուրս:

Զայն երեսփոխանին տունը ձգած էր: Զիաւորները կը մօտենային: Նավրի ուզեց փախչիլ.... ու վազելով ձիուն քով բռնեց երասանակը և երբ թամրին վրայ պիտի ցատկէր, շատ մօտէն ձայն մը զինք ստիպեց ետեւ դառնալ: Երիտասարդը չէր

հաւատար աչքին ներկայացով իրականութեան.... Զիաւորը՝ հետը միասին կին մը՝ մօտեցաւ անոր. Ոիմոն և Ուընէ՝ Ատրիէնի առջին էին:

Նավրի խօսիլ կ'ուզէր, բայց շրթունքաները չկրցան խօսք մըն ալ արտաքերել:

Ուընէ աշխուժութեամբ գետին ցատկեալով վազեց դէպ ի երիտասարդը:

— Ատրիէն, Ատրիէն, ես ազատեցայ:

Ատրիէն զայն չէր լսէր. սարսափը, յուզումը զինք ընկճած էր. անշնչացած գետին ինկաւ իր նշանածին ոտքերուն առջև:

Նուազումը երկայն չտեւեց: Քանի մը խօսցով Սիմոն եղածը անոր հասկցուց:

— Ես քեզի պոռացի որ կենաս: Եթէ ինձ հնազանդէիր մեզի ալ այսչափ նեղութիւն պիտի չպատճառէիր: Ինչ և իցէ, աղէկ որ թուզթը գետին ձգեցիր, ապա թէ ոչ, առանց անոր ամէն բան ոչնչացած էր հիմայ:

• • • • •  
Երկու շաբաթ վերջը երեքը միասին գերմանիս կը գտնուէին պանդոկի մը մէջ: Ուընէ և Ատրիէն նստած էին սեղանի մասնի: Երենց փոշիոտ զգեստներէն յայտնի կը տեսնուէր որ զեռ նոր հասած

էին։ Անոնք երկուքն ալ կ'արտասուէին  
և կ'ուրախանային անցած վտանգները  
մտածելով։

— Սիմոնը ինչո՞ւ համար այսչափ կ'ու-  
շանայ, ըստ Նավրի ոտք ելելով։

— Հիմայ կու զայ, պատասխանեց  
Ռինէ. խեղճ ձիերը մեզմէ աւելի հանգը-  
տեան պէտք ունէին, շատ դժուարին էր  
անոնց կատարած գործը. մեր ազատու-  
թինը Սիմոնէն ետքը անոնց կը պարտինք։

— Սիմոնը երբեք զմեզ պիտի չթո-  
ղու, այնպէս որ եթէ պատառ մըն ալ  
հաց ունենանք, անոր ևս բաժին պիտի  
հանենք, աւելցուց Նավրի։

Նոյն պահուն կուզը ներս մտաւ, եզա-  
կան ժպիտ մը անոր շրթունքին վրայ։

— Զեզի իմացնելիք շատ կարեոր լու-  
րեր ունիմ, ըստ ան։

— Որմէ։

— Պելլվիլէն։

— Ի՞նչ կայ որ.... շուտ ըրէ։ Միթէ  
զմեզ գտնելո՞ւ եկած է....

— Յուսամ՝ որ ողջ առողջ է, աւել-  
ցուց Ռինէ, որ արդէն իսկ զիտէր թէ՛ ի՛  
ազատութեան երջանկութիւնը անոր կը  
պարտէր։

— Հոենոսը անցած է.... Գերմանիա  
կը գտնուի, պատասխանեց կիյէն։

— Ո՞ւր. ըսէ՛ ուրեմն ի՞նչ ո՞ր զի-  
տես։

— Զեր առջելը կեցած է։

Այս խօսքիս վրայ՝ կուզին հասակը  
ուղղուեցաւ, խոշոր ծրար մը ինկաւ գե-  
տին. ան քաշեց վրցուց գորշագոյն մօ-  
րութը, մեկդի նետեց կեղծամը։

Պելլվիլն էր դա։

Երկու երիտասարդները անոր կը նա-  
յէին զարմանցէն համրացած։ Պելլվիլ  
ուսերը վեր վերցուց, և շնորհալի ժպիտ  
մը բացուեցաւ դէմքին վրայ։

— Ես, ըստ, այս կարեոր կերպարա-  
նափոխութիւնը հնարեցի գործերս յաջող-  
ցընելու համար ժողովրդեան հետ։ Մեր  
փախստեան ատեն ալ ասիկայ անհրաժեշտ  
էր և ձեզ իմ գաղտնիքս չյայտնելուս պատ-  
ճառը՝ կը վախնայի որ յանկարծ ակա-  
մայ անխոնեմութիւն մը.... Բայց քանի  
որ ես զիմակիս մէկը վերուցի, նաև կըր-  
նամ միւսն ալ ձեզի բոլորովին պարզել։  
Պելլվիլ չեմ ես այլ ես....

— Դուն այլ ևս Պելլվիլը չե՞ս, գո-  
չեց Նավրի սաստիկ զարմացած։ Ուրեմն  
դուն ով ես։

— Հարցո՞ւր Ռինէին։

Նավրի աղջկան դառնալով տեսաւ որ  
գունատած էր ան։

— Հօրեղբայրս, հօրեղբայրս, պոռաց  
յանկարծ:

— Այո՛, ես եմ:

Այս ըսելով, ան բոլոր հասակովը կանգ-  
նեցաւ. մազերը ետև նետեց և աչքերը  
զորս կը կեղծէր մէկդի դարձնել, ճիշդ  
անոնց երեսը տնկեց:

— Բսաւ. Ես այն մարդն եմ՝ որ այն-  
քան դեռ խաղաց, բու հօրեղբայրդ ֆրան-  
սուա տ' Օպէն՝ Ալէսոփի դուքսը: Նայե-  
ցէք ինծի տղաքս, և դուն Ուլնէ, ըսէ  
յանոն բու հօրդ, միթէ իրեն դէմ ըսած  
բոլոր յանցանքներս չբաւեցի՞:


Ուլնէ արտասուալից նետուեցաւ հօրեղ-  
բօրը բազուկներուն մէջ:

— Ես կը կարծէի որ դուք բանտի մէջ  
մեռած էք, ըսաւ օրիորդը:

— Այո՛ աղջիկս, բայց նորէն կեանքի  
վերագարձայ: Մինչև հիմայ, շատ տեսակ  
կեանք վարեցի և շատ անգամ մեռայ:  
Ուրեմն Ուլնէս, շնորհակալ եղիր Աստու-  
ծոյ՝ որ Նավրին ինծի խրկեց՝ բու դա-  
տապարտութիւնդ իմացնելու համար: Այլ  
ևս, մոռնանք անցեալլ: Հիմայ Զոփցերի  
պիտի երթանք Քոսթանսա լճակին բովի  
կալուածիս: Հոն՝ հանդիսով կը կատա-  
րենք բու հարսանիքդ Ատրիէնի հետ և կը  
սպասենք՝ մինչև որ լաւագոյն օրեր ծա-

գին ֆրանսայի համար: Այս օրերս շատ  
հեռու չեն: Տանիթոն ինկած է, Ռոպէս-  
փիէր կը տատանի, ական մը փորուած է  
Հասարակապետութեան ներքն, միայն թէ՝  
արիասիրտ անձ մը պէտք է՝ անոր կրակ  
տալու համար: Երբ դարձեալ խաղաղու-  
թիւնը հաստատուի՝ ֆրանսա կը դառնանք:  
Բայց, ես տեսնեմ կամ ոչ այս երջանիկ  
օրերը, միշտ ուրախութեամբ պիտի յիշեմ  
թէ իմ կատարած բոլոր խաղերուս մէջ  
զլիսաւորը եղաւ կուզ Ախմոնի դերը:





1677

2013